

toh lohching tak in kizang hi. I saptuam nuai a om Good News Presbytery, Lucknow Uttar Pradesh in masawn mahmah a, tuni chiang in worker (semtu) 15 bang nei theita ua, Fellowship piching mun nga ah nei thei ta uhi. Hiai Presbytery ahieh leh Rev. John Khushal makaihna a pat khiak ah a. A tup pipen ahieh leh Lucknow leh Delhi kikal National Highway km(mel) 300 asau lampi dung a Gospel, tangthupha puangzak ding, huchia gingu hong kibehlap dungzui a saptuam 30, huai tuh km 10 zel a saptuam khat phuh khiak ding chih ahi. Tukum December 2017 tan a Bareilly tan tung thei ding a panlak tuh a tup uleh angim poimoh mahmah uh ahi.

Hiai Presbytery in atup leh angim te Pathian pina leh ompihna toh masawn a semtuten leng ginom leh muanhuai tak a hon sep zom zel ua, Khrist Lalgam keklet a hong om semsem na ding in thumna ah Saptuam ten I delh zui zel ding uh. Saptuam te Good News Presbytery Lucknow ten chibai (Greetings) honkhak uhi.

Ka kipak,

Sd/-

REV. M. KHAMLIANMANG

Coordinator (Institutions)

PICHIN LAM MANOHNI

November kha tan hon paikaitu Pathian phat in, simtute na vek in chibai ka hon buk masa hi. Hebru-te 6:1 ah "...*pichin lam i manoh ding uh*" chi in ana gen hi. Saptuam khammohbaw thupi mahmah khat ahiehleh "pichin theihlohna" ahi. Hiai a pichinna thu kigen tuh taksa ah hilou in, lungsim, thilhih leh paukam a pichin ding genna ahi. Hiai thu ah abiktakin vaihawm upa leh pastor-te a dingin thu poimoh tampi tuunkha himahleh tomkim tak a la in ei hon sukha thilte apan houlim zek leng i chi hi.

Kigensiatna : Thupil khat in "Mi na gensiat chiangin, na gensiatpa hiam, nu hiam hilou in, nang hoih louh dan kipulak na hi zaw" chi hi. Abitak a upa/pastor mi gen hat, mi dang dem hat i chihte tuh mi piching lou leh vaihawm tak lou tehna ahi. Kua hiam iplah gukte kap na dia agenda bawl, huat deulte het kha teitei dia thugen chihte tawpsan hun mahmahta hi. Hiai khawng neng-neng a kisubuai upa/pastor i hih nawn louh theih uh kisam mahmah hi. Hiai bang ngaihdan nei mite'n saptuam lamtouh sang in saptuam kainiam zaw ahihmanin piching zaw leh ngaihdan zau zaw a upa/pastorte i pan uh kiphamoh mahmah hi.

Biakin zat dan: Biakna a thupuan hiam, thugenna hunte a mahni kiphatna leh iplah deulte kapna dia hun zat kichi baihsam mahmah hi. Hiai bang chindante tawpsan a, piching zaw leh midangte lamtouh thei dia kampau kilawm zang thei ding a pichin zaw hun mahmah nawn hi. Biakna a thupuan leh thugente apan mipite'n upate mizia ding ngaihtuah khe thei mahmahta uh ahihmanin mahni kiphatna leh midangte demna thute pen tawpsan a, Pathian thu keleu gen khiak dan siam ding poimoh mahmahta hi.

Lungsim put dik : Mi kuahiam thilhihna khat a atel man louh hiam, meet-ing khawng leh adangdang a tel manloute dem zui pah, gensiat pah chihte bang leng tawpsan tuak mahmah hi. I lungsim put a dik louh chiang a, kei mohpuakna nuai a tel ut lou chih dan a ngaihtuah a muhdah theih mawk hi. Hiai bang ngaihtuahna ten khat leh khat kal susia hi. Huaiziakin piching leh ngaihtuahna zau zaw a saptuam i kep uh hun mahmahta hi. Pichin lam manoh ding i chih thumal tuh thudang in genlehang "I ki reformed ding uh" chihna leng ahuzui ngal hi. Amen.

SLP Officers:

Moderator : Rev. Douseh

V/Moderator : Elder T. Kaikhanmang

Secretary : Superintendent

Asst. Secy : Elder T. Kamsanglian

SLPWC Officers:

Moderator : Elder V. Nunlian

V/Moderator : Elder Piangkhanpau

Secretary : Superintendent

Asst. Secy : Deacon T. Siamkhanmuan

GAWC Palai: 01. Elder Kounmang 02. Elder V. Paukhansut

Presbytery tuamtuamte apan report i ngaihkhiaik theih hiaibang teng ahi. Mohpuakna tuamtuam, masawna tuamtuam i muhsate thei kawm in i thumnate uah kipahtu genna leh ngetsakna nei zui ni.

NINGTHOUTKHONG PASTOR QUATER LAMNA DING A LHANDHOI PRESBYTERIAN CHURCHAPAN KIPHAL TAK A SUM THOHTTE:

01. Elder Houmin 200

02. Elder Letpao 200

03. Deacon Khekhen 200

04. Pa Soson 200

05. Pastor (int) K. Muamlal 200

06. Chongneu 100

07. Lhingkhohoi 100

Amaute tung ah kipahtu i gen hi. A kiphalnate uh Toupa'n a lehtampi in vualzawlna behlap sak zel hen aw.

- Toupa annkuang a siampu in thumna a neihzoh a Krist pumpi leh sisan taktak suak a ginna (trans-substantiation) pen diklou ahi. Tua apan milim biakna hong piang ahi. Toupa ankuang ah ginna toh a sang mi in Krist pumpi leh sisan apan khalam hamphatna a ngah hi.

- Doctrine leh kisinsaknate a dingin Bible a thuneipi pen ahi. Huan John Wycliffe nasep khiak thupipen tuh Latin Vulgate (Bible) English-a alehkhiaik ahi.

2. John Huss (1373 – 1415).

A thu tangkoupithe:

- Pope in indulgence a zuaksak pen John Huss in theitawpin akalh. Huaiziakin aman ua suangkulh ah akhum ua, mipi muh in mei in ahallum uh.

- Tran-substantiation apom.

- Saptuam tuh Pathian tel pumpi, a lutang Krist ahi (Pope ahi kei).

- Kristiante a ding a thunei pen Bible ahihmanin miteng in asimding ahi.

- Siampute'n khelhnghaidam theihna anei kei uh.

- Toupa' ankuang siangthou mipite piak tuaktuak ding ahi.

3. Girolama Savonarola (1452 – 1498).

Pope hoihlouhnate ahon gen ekek takin Pope in zol a, Cardinal lukhu piak ding chiam hi. Himahleh aman Cardinal lukhu ka deih kei, myrtyr lukhu keimah sisan mahmah toh sim ding ka deih zaw chihsan hi. Mipil leh hangsan ahihmanin Italy politics ah honglut kha a Florence ah vaihawmte in hong pang hi.

Avaihawm sung a asepkhiak tangpote:

- Khopi sung a Festival om teng Kristian sakhkua ankuangluina suah vek.

- Sum a kimawlnate leh khotang siatna beisak.

- Puan mantam lua silh ding kham.

- Bajar a laibu ginalou kizuakte, limgelh kih huaite, mok noptalna vanzatte teng mei in haltum.

- Damlou leh gentheite huna leh tangpi hoihna ding a nasepte pankhia.

4. Martin Luther (November 10, 1483 to -)

Martin Luther tuh huihpi lauhhuaitak mai a thuak khakna a pan piangthak hi a theih ahi. A testimony: *July 02, 1505 in huihpi thupitak tuak a laulua in A siangthou Anna aw hon panpith*

CHURCH REFORMATION

(AD 1300 – 1648 AD)

Church Reformation (Saptuamkibawlhakna) kich itomchik a gen in Roman Catholic Saptuam akipan pemkhiakna hun gena ahi.

Kristian khangtangthu ah Church reformation (saptuam kibawlhakna) hun sang a lunglut huaizaw thildang bangmah a om kei chihtheih ding khop in apawimoh in a lunglut huai hi.

Hiai hunin kingaihniamna toh nasepna leh Pathian thu ahi bangtaka sinsaka thilhihtheihna toh Tangthupha puanjaknate omnawnlou in saptuam sung a thuneihna kituhnate leh Pathian thu ahihnatak nawlkhih in saptuam tuh angeina dan lel in pai hi. Huan saptuam sung ah sum thu kia in vaihawm ahihmanin Pastorte lak ah ABC akizom a gensuak theilou bang om a, huan Carlstadt kichi mi khat ngial in Bible amuh a leng mukhaloupi in Doctor of Divinity degree ngah chih ahi.

Reformation kichi pen hun khat a mun khat a na tung geih ahikei a hun sawtpi mahmah na kisakhaw leh gam chih a nauvei banga ana kivei nilouh, atawptawp a kumzabi 16 a hong puakzak ahi zaw hi.

Kristian khangtangthu a dia thupi pen hiai Reformation tuh hun tomchik sung a baihlamtak a hihlchet theih vual hilou ahihmanin, saptuam niamkiakluatna leh paikhelhna bawlohoi nawn sawm a amau hinna na-ngawn it lou a theitawp suah a sihpha a gin-om

mitampi omte lak ah a anuai ah tamlou asinsakna uh toh i en ding.

1. John Wycliffe (1330 - 1384).

Athu tangkoupithe:

Saptuam pen Pathian tel kholhsa pumpi ahi. Huaziakin Clergy (siampu) leh laity (nautang) chia kristiante kikhen diklou ahi. Kristian tengteng in tangtakin Pathian' nna sem thei hi. Kuaman ngetsaktu siampu poimoh tuanlou hi. Tanchin mawl tak leh Apostlete kivaiahawmdan a kik nawn ding ahi

GOOD NEWS

PRESBYTERY OF LUCKNOW

Annual Family Conference, Report tomkim

Good News Presbytery of Lucknow ten October 19 – 21, 2017 sung Uttarakhan state Kathgodam mun a Workers Annual family Conference leh retreat kithuah azatna ding ua thugten tu dia chail a ka om dung zui in Lamku nusia in October 17, 2017 in ka va zin khia hi. Pathian pina ziak in lamzang tak in buaina om hetlou in October 19, nitaklam dak 5: 30 in amun ka tung thei hi.

Conference hun khatna October 19, nitak 6: 30 in kipan a, hiai hun ah Conference thupi “kua ka sawl dia, kou-a dia kua kuan ding ahia?ken, kei hiai ah ka om, honsawl in, ka chi a” Isai 6 : 8-9 na pansan in humasa zat ahi. Rev. John Khushal in welcome hun zang in, Pastor Gulawar in Presbytery reportna nei a huchi in thugenna hun kizang in hunkhatna zoh ahi.

Niteng hun zatdan tangpi te:

Zing dak 6 – 7 : kihahsiangna leh personal devotional hun

Zing dak 7 – 8 : Breakfast

Zing dak 8: 30 – 10: 00 : Biak khawmna

Zing dak 10: 00 – 11: 00 : Tea Break

Zing dak 11: 00 – 1: 00pm : Biak khawmna hun

Sunung 1: 00 – 2:00 : Lunch Break

Sunung 2: 00 – 4 : 30pm : Couple (Nupa) Seminar

Nitak lam 4:30 – 6:00 : Tea Break leh kihah siangna hun

Nitak dak 6:30 – 8:00 pm : Mipi Biakkhomna

Nitak dak 8:30 pm : Dinner (Nitak ann)

Nitak dak 9:30 in Fellowship kinei zel hi.

Hichibang a niteng hun kizang in, Khawmpi, Conference hoh mi 39 khipha a, biakna leh hun zatte tengteng manpha leh Khasiangthou ompihna

in monk in ka kipe na ding hi chih hi. Amah tuh saptuam paikhial bawldikna ding a sih leh hin poisalou a panlate lak a mi poimohpen ahi. Reformation pankhetu ahi a, Saptuam bawlohoi tupna ziaakin laibu tampi a suah hi, huaite lak a apoimoh deulte: (i) German Kristian Mithupite kiang ah *hiai tuh saptuam leh kumpite siatna bawlohoi tupna ahi*. (ii) Babylon a saptuam saltang thu- *saptuam ah sacrament 7 hilou in 2 a om, tui a baptisma leh Toupa ankuang siangthou ahi, huan ankuang siangthou ah Toupa si leh sa taktak hongsuak chih zong dik tuanlou ahi chihthu ahi*. (iii) Kristian mite zalenna- *Kristiante Pathian kiang ah direct in a ki thum thei uh, siampu tungtawn kia a thumna chih a ngai tuan kei chihna ahi*. (iv) Nasep hoih-nasep hoih kichi tuh *Krist gintak ahi*.

Martin Luther in October 31, 1517 ni in Wittenberg biakinn ah Pope diklouhna, Bible akipan saptuam' paikhelhna, indulgence nialkalhna point 95 ahon takkhia a huai tuh Reformation hong kipatna ahi.

Athu sinsak tangpite:

a. Krist a siamtan sakna tuh nasep hoih ziak hilou in ginna ziak ahi.

b. Krist a ginna tungtawn in mi chih in Pathian naih theihna anei, Pathian toh kithuahna leh kelh ngaihdam nate tuh siampu tungtawn hilou in Krist a ginna tungtawn ahi zaw.

c. Ginna leh Kristian hindan ding a kingakna ding tuh midang hilou in Jesu Krist kia ahi.

d. Pathian in AKha Siangthou in hon ompih, Bible theihsiamna taktak tuh midang hilou in Kha Siangthou in hon theihsiamsakna ah ahi.

e. Pathian tuh itna ahi. Hephinna tuh mitekiang a athawn apiak ahi a, ginna a san ding ahi. Hotdam ding mimal ruat lawk a omkei.

f. Jesu Krist a hotdam kiteihitela tuh Kristian hihna ahi a, akipah huai hi. Martin Luther in gentheih haksatna sutsenglouh thuak kawm in Bible akipan paikhial, a kisia saptuam bawlohoihna ding in ahinkhua tengteng ana zangbei hi.

5. Ulrich Zwingli (1484-1531).

Ulrich Zwingli tuh Switzerland gam a Reformation om na ding a mi poimoh mahmah ahi. Huan Clarus khua a Catholic siampu ahi. *Gintak a a-chinatna apan piangthak hi a theih ahi*.

Athu sinsak tangpite:

a. Saptuam a thunei pen tuh kuamah dang hilou in Laisiangthou ahi.

The 7th SOUTH LAMKA PRESBYTERY ASSEMBLY

South Lamka Presbytery Assembly -cum- Revival Crusade, October 13-15, 2017 sung Thingkangphai Presbyterian Church ah nei in om a, Rev. Goukhansiam, Superintendent in khawmpi honna nei hi. Khawmpi thupi ding in “Zonkhiak a om ngei ngei ding na hi” (Numbers 32:23) zat ahi. Hiai hun thugentu in Rev. H. Chin Thiansong, Coordinator (Ministris) zat hi a, Mualkoi pYF in worship makaihi uhi.

Khawmpi hun sungin special music, Mata PYF, PWF Centre Choir, M. Tanglian PYF, Mualkoi PYF, Thingkangphai PYF leh T. Daijang PYF-te banah mimal tuantuan, Gogou leh Haoneu, Minthang, Thanglel leh Elder Ginminte apan la hoih taktak ngaihkhia hi a, siam in hong thathou sak mahmah uhi.

Khawmpi hun sungin Elder 2 leh Deacon 1 ordained piak in om hi.

Amaute

1. Elder T. Kaikhanmang 2. Elder C. Thanlian leh 3. Deacon S. nenglumang hi ua, amaute Mualkoi PC apan hivek uhi. Amaute Rev. H. Chin Thiansong, in ordination pia hi.

Superintendent Report: Rev. Goukhansiam, Superintendent apan South Lamka Presbytery toh kisai tomkim ngaihkhia ahi. Hiai anuai a bangin:

01. Khua : 7	02. Inn om zah : 290
03. Saptuam milip : 1636	04. Nau piang zah : 19
05. Misi : 12	06. Sawm a khat pe zah : 413
07. Baptisma tangthak : 11	08. Sacrament sai zah : 90
09. Dan a kiteng : 01	10. Upa (Elder & Deacon) 61

Rev. Douseh, Moderator, SLP in khawmpi khakna a bawl hi. 2018 SLP vaipaw dingte anuai a bang ahi:

The 11th SINGNGAT PRESBYTERY ASSEMBLY

A 11-na Singngat Presbytery khawmpi October 6-8, 2017 sung Singngat Presbyterian Church ah neih in om hi. Thupi dingin "Na insung omding dan gelfel in" Isai 38:1 zat hi a, Rev. H. Chin Thiansong, Coordinator (ministries) thutak ankuang luitu in pang a, mipite kha an taitak hong vak ahihmanin kipak mahmah ung. Tai leh nopsakna kia hilou in tukum thupi a om mah bangin Ginom tak a Jesu nungzuih ding khristian inkuan kitung ding thak bangzah hiam hong gahsuh ngei ding lametna lianpi kinei hi. Toupa min thupina ding hitahen aw. Hih khawmpi sung in khosung (EBC) ah sihna in thukalzeh hong bawl in Kiginni sun khat sung Pasion in sigal na hun in hong zangsak hi. Singngat Presbytery sung ah pasian in Elder thak nih leh Deacon thak nga ordain ding hong pia ahihmanin Rev. H. Chin Thiansong, Coordinator (Ministries) in amaute ordained hi.

Amaute

1. Elder S. Ginkhanlian, Singngat
2. Elder T. Ginzalal, Maukot
3. Deacon Vungsanglian, Sialbu
4. Deacon Khensuanpau, Lhanghoi
5. Deacon K. Thanglel, Singngat
6. Deacon Vungsapmpau, Singngat
7. Deacon Ginkhothang

2018 SP VAIPAW DINGTE:

Moderator.	: Elder M. Vungzapau
Vice Moderator.	: Elder Letpao
Secretary.	: Superintendent.
Asst. Secretary.	: Pastor (Int) K. Thangmuanlal
PRESBYTERY WORKING COMMITTEE :	
Moderator.	: Pastor S. Kamdounmag
Vice Moderator.	: Elder N. Tuangpu
Secretary.	: Superintendent.
Asst. Secretary.	: Deacon G Thangpi
GAWC. DELEGATE	
1. Eld. S. Dongkhansut 2. Eld. Kamkhanpiang	

- b. Kristian ten misingthoute i biak ding ahi kei a, Pathian kia i biak ding uh ahi.
- c. Hotdamna tuh nasep hoih a muh ahikei.
- d. Ann ngolh, ankuangluina, munsiangthou veh, monastery nasepna, siampute zi neih louh ding, siampu kianga kipuanna, purgatory chihthe Laisingthou a om hilou in mihing phuhtawm ahi.
- e. Toupa' ankuang siangthou tuh kithoihna dan hilou in theihgigena ahi.
- f. Biakim khonga bawltawm milim himhim koih louh ding ahi.

nungzuite Arminiant akichi uh a, athugin uh tuh Arminianism akichi hi. Tuni chiangin ei theihphak ah Baptist saptuam in Arminianism azui uh.

Athusinsakte:

- a. Free Will (*Deihtelna Zalen*).
- b. Conditional Election (*Pan sannei Telna*).
- c. General Atonement (*Tatna Vantang*).
- d. The Holy Spirit can be Effectively Resisted (*Kha Siangthou tuh dal zoh ahi*).
- e. Falling From Grace (*Hotdamna akipan puktheih ahi*).

Ulrich Zwingli tuh Reformation omtheina ding in theihtop suah in pang a Cotholict toh kidouna ah liamna bang tuak zoen hi. Hun bangtan hiam nungin Calvin pawl toh ahong kigawm uh.

Arminian gindan zui ten Pathian lalpenna leh mihing zalenna akituak thei kei, mihing mohpuakna toh Pathian lalpenna leng aki mil thei sam kei, chiih mihing zalenna pen Pathian lalpenna sangin ahah zaw ahisak uh. Huan mihing hihtheihna in Pathian tung a kingakna asu kiam, achinawn uh. Hiai a thugen uh omdan tuh: Bible in ginna pen mihing in ama ut thu leh mohpuakna a akineih ahizakiin Pathian omsak ahi thei kei ding, huaiziakiin Pathian tellou in mihing in ginna a kineih ahi. Huan Bible in Gospel zate tengteng a ding a ginna poimoh ahi achih ziak in ginna tuh mi tengteng in

6. Jacobus Arminius:

Jacobus Arminius tuh mi kizen, taima, laisiam thei mahmah ahi. A sermone laisiam huai ahihmanin miten ngainuam thei mahmah uhi. Reform saptuam a mi poimoh tak himahleh ahun nanung lam ah Reformed thugin pomthei nawnlou hi. 1610 AD in Leiden University ah professor in pang hi. Huan amah tuh 1609 AD in asita. Ama

Hibangteng a lim leh kipak a nuam thupuk ahi a, huan kumnawn satak a aki omlai in, tua behlap ding Budget ding in Rs 69600/- thupuk in Pathian in Coordinator (Miss) heu ahi. Hiai tan a hon makaih a, limna in PWFJCC te leh PWF Central leh kipahna honpetu I biak Pathian Choir te hon sawl a kipahna sang in Thupina tengteng tang ta hen, law petmah himai. Phatna laa mimal Amen. Toupa' Grephuan a leh Central Choir ten hon present naseppih uh, ua siam thei petmah ua, nuam Report petu, himai. Toupan' thupina tang ta hen. Upa vaihawmna ah REV M. THANGKHANMUAN Kumnawn-2018 Presbytery Superintendent, TP. Khawmpi na mun ding in Sinzawl

The 7th LAMKA PRESBYTERY AND CONFERENCE

AMUN : ELIM PRESBYTERIAN CHURCH
 AHUN : 27-29, October 2017.
 THUPI : GINOMTAKA JESU KHRIS NUNG JUIH NA.

Date 27/10/2017 (Friday) Nitak dak 5:30 pm in Elder T Dongzasuan Moderator Lamka Presbytery in Khawmpi honna nei hi.

- # Hiai Khawmpi ah Elders 4 leh Deacons 6 in ordination tang ua, Rev Zamkhsuan in Ordination pia hi. Pastor G. Suanzalam in Ordination tang te leh a sung kuan te a ding in thumsak na nei hi.
- # Upa nga(5) te kiang ah zahna/Emeritus piak in om hi. Rev GPaumuanthang in amau te leha sung kuan te a ding in thumsak na nei hi.
- # Kum 2017 Khawmpi tan a Upa si mi nih te suunna nei ahi. Elder T. Khupzadou in a sungkuan te a ding in thumsak na nei hi.

- 3; Gal. 1:15-16; Juda 1; Jn. 17:2; Eph. 2:8.
- e. Perseverance of the Saints (*Mi Siangthoute bitna/Hotdamna mangtheilou*)- Is. 43:1-3; 54:10; Jn. 3:16,36; 6:35-40; Rm. 8:35-39; Heb. 10:14; 12:28; IPet. 1:3-5.

John Calvin in saptuam olmoh petmah ahihmanin theihtop suah in pang a laibu bawl, sermon di kisakhawl, lecture di kisakhawl den

ahihmanin "ka inn sung pan pusuak a akilawm mahmah tungsunni mel etna ding hun ka ngah ngei kei, tua bang ahih tawntung leh bangchibang melpua hiam chih zong manggil pah din kaki um" chi hial hi. Huchiih ahitheihna teng Pathian leh Asaptuam a dia kizangbei in atangtawn mun ah honna kholsanta hi.

Rev. H. Chinthiansong
 Coordinator (Ministries)

Khristian Hinkhua leh Pilna

By: Pastor TK Shyam Valte, Bukpi

"Na lak ua kuapeuhin pilna a taksap leh, mi tengteng kianga tai lou leh it loua pepa Pathian tuh ngen hen..."
 (Jakob 1:5)

Thupatna: Tulai in khantouhna/Pilna in honpha non a, aneu pen a pan a lian pentan, a pillou I om nawn kei ua, kipah huai Isa mahmah hi. Tuabang a Pilna-leh-siamna a saan mahmah lai in, I Khristian hinkhua ah, Khalam pilna saang in, Salam pilna in I Khristian hinkhua naktak in honsawi ling a, Gingtute adiing in bang pilna kisam hiam chih, ngaihsutlough theihlough khat hongsuakta hi. Pathian deihdan pilna/Laisiangthou tungtawn in kimakaih leng, hiai khovel buaina tamtak I tuahte uh, kitaisan ta diing hi. Kumpi Solomon in hichin ana chi hi, "Pilna

agintak theih ah. Huai tuh hotdamna dingin mihing ama hihtheihna ah akinga, Pathian tung a akipumngak a ngai kei, chihna ahi.

7. John Calvin (1509-1564).

Calvin tuh 1533 vel a piangthak hi a theih ahi. A testimony: *Kei leh kei chitaktak a ki etchetna ka lungsim a ka neih zohin thakhatin thudik theihna kim, vak thupitak bangin theihnsakin ka oma, khelhna tawpkhok a ana bual ka hi chih ka hong kitheikhia hi. Launa thupitakin ka kha ahong man a, huchi in genthei semin ka om hi. Toupa aw, kei bangchita ding, migenthei leh hihna bei, ahizong hindan lui nang na mohpaihsa topsan ding in na kiang lam juanin khitui toh kap kawm in ka hong hi.*

John Calvin akhanvual lak a laisiam tungtuang ban ah pumsianthou ahihmanin alawmten the accusative case (mi mohsapa) chi hial uhi. Saptuam bawl hoihna ding laibu tampi gelh a tuate lak a minthang deuhte: a) Declementia of Seneca-Dictionary. b) Institute of Christian Religion. c) Amah sermonte leh a

lecture te. d) Institute laktom. e) Poimoh asak thu tuamtumate. John Calvin in Geneva khua ah saptuam kivaipuakna hiai bang in bawl hi.

-Pastorte : khalam a mohpuakna pia.

- Deaconte : genthei leh tasamte panpihna nnasep mohpuakna pia. - Teacherte : laisinna lam makaihna mohpuakna apia.

- Elderte : saptuam sung kivaiahawmna lam mohpuakna apia (elderte tuh Pastor te leh khosung makai te'n atelthoh uh ahi.

-Athusinsak tangpi laktom:

a. Total Depravity (Pum siatgawp)- Gen. 3:1-17; Ps. 51:5; 58:3; John 3:5-7; Rm.5:12; Eph. 2:1-3; 5:8; Kol. 2:13.

b. Unconditional Election (Pansan bei Telna)- G en. 12:1-3; 21:9-13; 25;21-23; Exo.28:1; Dt.10:14-15; Rm. 9:14-21; Tita 3:5.

c. Limited Atonement (Phaktawp nei tatna)- Mat. 1:21; Jn.6:35-40; 10:11, 14-18; Tita 2:14; Kil.13:8; 17:8; Nas.13:48.

d. Irresistible Grace (Nial theihlough Hehpihna)- Rom.8:14-16; 9:16,30; IPet.1:3; IKor.1:1-

Khawmpi vaihawmna in upa Elders -9 Deacons -15 tel theih na phal na pia hi. # Vaihawm hun a palai pai khawm teng 96, kum nawn 2018 budget ding in Rs.1,38,600.00 (One lakh, thirty eight thousand,six hundred) kituak tak a pom ahi. # Khawmpi hun sung in,Pastor V.Suankham.Pastor K Dongkhan-khup leh Pastor K Muankim ten thupi pan san in thutak genna nei uhi. # Elder T.Khupzadou moderator LPWC in 29/10/2017 nitak in khawmpi khak hi.

2018 LAMKA PRESBYTERY OFFICER DI TE :-

- 1. Moderator. : Elder B Lutthinang.
2. Vice Moderator. : Elder T.Dongzasuan.
3. Secretary. : Superintendent.
4. Asst.Secretary. : Elder.T.Paulalsiam.

PRESBYTERY WORKING COMMITTEE :

- 1. Moderator. : Elder.S.Thangsuanmang.
2. Vice Moderator. : Elder.T Khupzadou.
3. Secretary. ; Superintendent.
4. Asst.Secretary. : Elder.L.Lunsang.

G.A.W.C. DELEGATE

- 1. Elder.T.Thangzachin. 2. Elder H.Vungzamang.

L.P.M.F. COMMITTEE

- 1. Chairman. : Elder H.Thuamson.
2.Vice Chairman. : Deacon Zakai Thomte.
3. Secretary. : Superintendent
4.Asst.Secretary. : Elder K.Zamjalian.

muhtuh na hihtheih lak ah poimohpen ahi. Adang bangteng na muh lelung keem hoih in. Pilna iit in, aman ahon bawllian diing hi. Amah pom in, Aman a hontawi sang diing hi" (Paunakte 4:7-8).

Huaiziak in Khristian te'n I zopen diing uh Pilna ahi, Pilna honpia thei Pathian kiang a I zonding uh ahi. Aziakbel I Laisiangthou in, "Na lak ua kuapeuh in pilna a taksap leh, mi tengteng kiang tai lou leh it loua pepa Pathian tuh ngen hen, huchiin a kiangah piaka hi ding hi" (Jakob 1:5). Tuahang in Pathian in honpiak ut-Pilna, I neihtheihna diing in, Pathian deihdan pilna I en diing uhi.

Pilna zongte piak ahi:

Laisiangthou Jakob 1:5 na a, ana genbang in, Pilna deih te'n, Amah kiang kia a, nget diing ahihdan kichiantak in honhilh hi. Aziakbel Pilna pia Pa Pathian ahiman in, Joseph in Pathian apan pilna deih a, Pathian in pia hi (Nasepte 7:10). Solomon in Pilna aneih theihna diing in Pathian kiang ah a ngen, "...Na mite vaihawmsakna dingin na sikha theihna lungtang piain, a sia leh a pha ka khen

theihna dingin; na mi hiai zahzah kuana hia vaihawm sak thei ding? a chi a" "Huan, Toupan achiam bang takin Solomon pilna apiaa..." (IKumpipate 3:9; 5:12). Daniel in Pathian kiang ah pilna ngen a, Pathian in a piakziak in Daniel in Pathian kiang ah kipahtu gen "Na tungah ka kipaka, ka honphat hi. Aw nang ka pipute Pathian, pilna leh hatna honpe pa, leh nang ka honngget uh tua ka kiang hontheisakpa; kumpipa thu lah ka kiang uah na hontheisak ta ngala, a chi a (Danial 2:23).

Joseph, Solomon leh Danial te'n Pathian kiang ah, Pilna ngen ua, Pathian in pilna pia hi. Sawltak Paul in saptuam te'n Pilna Ineihtheihna diing un Pathian kiang ah honngetsak hi. "I Toupa Jesu Kris Pathian, thupina Pan Amah theihna lam thu-a pilna leh kilakna kha nou a honpiak theihna dingin" (Ephesate 1:17). "Theihna dik leh theihkaakna teng toh, na iitna uh akan semsem na diing in ka thum hi, huchi a thil hoih penpente na teel theih ua; Khrist ni ahong tun tanpha a, sianthou leh dembei a na om theihna diing uleh Pathian thupina leh pahtawina diing a, Jesu Khrist

PRESBYTERIES ASSEMBLY TUAMTUAMTE APAN REPORT TOMKIM

THANLON PRESBYTERY KHAWMPI REPORT PIAKNA:

Thanlon Presbytery Joint Annual Conference-cum-Assembly -2017, Dt.5th-8th October,2017 sung Bukpi Presbyterian Church ah nuamtak a zat in om hi. Hiai Khawmpi ah zin(Registration)bawl kum dang teng sang in tam zaw hi.

Khawmpi hun sung in Thanlon Presbytery huan sung a Pastor omten Devotion makaih in Thutak genna leng nei ua mipite biltai thei mahmah uhi. Rev M.Thangkhan muan, Superintendent, Thanlon Presbytery in Officiating Minister hihna la in Elder-4 leh Deacon-7 Ordination pia hi.Hiai hun in Pastor-4 in kithuahpihna khut pia uhi. Huan Elder-1 Emeritus piakna leng neihahi. Kumdang teng sang in Salam leh Khalam a khan imanoh uh toh kiton in Upa Ordination tang te atankhit atawah kiton in Upa FORM Presbytery Moderator, Elder H. Pumkhanlian in silhsakna leh Certificate piak khiakna nei a, TPWF in amaute kipahpihna in Pakkhi ohsakna honnei zui ngal uhi. Tutung Khawmpi ah zintuntu Bukpi Saptuamte kipiak zohna thupi pet mah hi. Zinhawm chih omou in Khentuam-paihtuam, aneu-alian chih omou in akirual in mipin' Biakinn leh Sunday Skul kong ah zingkal-Nitak in ann kinekhawm zuazua hi. Tua thamlouin SIALPI-1 hon na goh lai uhi. Akipiakzohna uleh akiphalna uh Toupan' aleh tampi in vualzawl ta hen.

E. Kum 2 zoh chiang in evegilism pat hileh deih huai kasa uh.

08. Sonapur town I Centre dia deihthusam ahi.

- a) Guwahati apan Sonapur block headquater 35 kms vela gamla hi a, Sonapur leh Khetrigaon, 13 kms a gamla ahi. Nasep na dia lunggulh huai i sakna uh; Guwahati leh Dimapur highway no.37 aom a, 13 kms huamsung ahiban a, gam hing. Ganta leh mihing ome chidam uhi.
- b) Communication, electricity, Police station, Banking service, water supply, network coverage etc. buaina omlou hi.
- c) Inn luah man toh kisai in ' 1000 – 1500 man vel hi a, 2/3 rooms luah ding om hi. Kilawm huntawk mahmah room Missionaryte omna/tenna ding aom hi.

09. School:

Sonapur Block HQ ah catholic school om a, missionary tate education in abuai kei ding uh. Himahleh 15 kms huamsung a local dialect ie. Assamese school leh college oma, agam mi ten english medium school I bek neih ding lamem/deih uhi.

10. Security Advantage: Police station om ahihbanah, SSB Eastern Command headquater dia Sonapur khopi centre hi ding in atelta uhi. Centre policy bel Guwahati pen Brahmaputra hangin a keketna ding om nawn lou a, Kamrup metro district "Guwahati" dimta ahihmanin Kamrup district rural a thil tengteng expanded bawl na mun poimoh hong suak ding hi.

Report petute,-

Sd/-
(REV. T. LIANKHOLAL)

tungtawn a hong om, diktatna gah a na dim theihna ding un" (Philippite 1:9-11). Hiai apan in Pathian deihdan Pilna I ngahtheihna diing in, Pathian apan kia in I ngahthei diing uh chih a chiang mahmah hi. Huaiziak in Pilna deih peuhmah in Pathian kiang ah ngen hen.

Pilna kibatlouhna:

Laisiangthou Jakob 3:13-18 sung i sim leh, Pathian apan pilna leh Khovel apan pilna a kibatlouh dan chiantak in i muthei hi.

Khovel apan pilna hong suakte:

Hazatna, Kidemna, thudik zuasanna, eimah a diing kia khaalna chihte ahi. Hiaibang Pilnate Satan apan ahi a, tuate'n I Lak uah buaina leh khelhna chiteng hontut hi. Himahleh, **Tunglam a kipan pilna bel:** Siangthou a, Kilem ut a, Nunnem a, Chihnuam a, Hehpihna leh Gahhoih in a dim a, Khentuam aneikei a, A lepchiah kei hi. Diktatna gah tuh kituahna bawlte kituahna tuh ahi.

Huaiziak in, tulai in gingtute lak ah, Pathian apan pilna zonsang in, khovel pilna, eimah kideihkhopna, eihampatna diing

kia khaalna in I dimzouta uhi. Pathian apan pilna I ngahchiang un, I lak ah Lemna-leh-Muanna, Ki-Ittuahna, Ki-dektheihna, Ki-deihsak tuahna, Ki-Hehpihna, chihte li lak ah, tui luanbang in hongluang khia diing hi.

Saptuam-leh-Gamsung akhan diing bang a, a khan theihlouhna, Pathian deihdan kalh a, Khovel Pilna, a I paitam luatziak uh ahi. Pilna taksap tuh Satan lalgam keketna leh Khrist lalgam Kaihneu na ahi tlats.

Thukhitna: Khamal leh Salam I khantouh ua, Pathian vualzawl na tam semsem I dontheihna diing un, Pathian apan pilna li nget ua, I thum diing uh, I mohpuakna chiat uh ahi. Tua diing in Toupa'n simtute tengteng Pathian apan pilna ngahchiat di'n hon vualzawl ta hen.

Dated 25032017
valteshyam@gmail.com



Missions Huang

MISSION FIELD SURVEY 2-VEINA REPORT

Presbyterian Mission Fellowship (PMF) General Headquater in Mission Field Study bawl dia ahon sehna bangin a nihveina ding, Assam State Capital District sunga Kamrup (rural) nuaia om Sonapur block, Guwahati leh Dimapur highway no. 37, 35 kms from Guwahati study/survey va kibawl a, huai toh kisai anuai a bang na kiang a report leh field mun ding recommend kon bawl uhi.

01. Geographical setting and important information.

'A'

01. **Place of Survey:** Sonapur Block, Kamrap District (Rural) Assam, 35 kms along national highway no. 37. (Guwahati – Dimapur)
02. Area Covered Seven Vilages
03. Time & Duration of Survey: October 10-14, 2017
04. Survey/ Study team : Rev. G. Pau Muanthang, Rev. T. Liankhohal & Rev. M. Khamlianmang
05. Field Contact Person : Mr. Hemanta Ronghang. (Karbi)
06. Survey Consultant : Rev. B. Chinlamthang & Upa Nengzakhup

'B' Sonapur- Khetrigaon (13kms huap sung) Khua, Christian omzah, Population and People of group.

Area	No of Christian	Population	People of group
01. Sukhurah	X	2 lakhs	Adivasi, Nepali, Karbi, Tiwa, Assamese
02 Durung area	X	50,000	Bengali, Boro, Nepali

MYACA MACHIENG SUON VAI

1. Gam ni tan nai louna Zogam nuom tah a, Hingtang ve'n Kalvari sunni hing ngai ung; Pi-le-pu, tun-le-Juo, lie-le-tang te'n, Enve'n Vanmang, shina hankhu juon nalai uh.

MYACA ma chieng suonvai,
Tembang a hiem zaitha patbang sai in'
Selungmawl zata vontawi lai ah,
Kumtawn tuonglam kihunna di'n;
Khaubang sutvai Gospel tang mippha.

2. Aw Jesu Van Hagau Siengthou hing sawl ven, Kalvari itna simthu khaubang sut di'n; Nang tellou in mihiem tha leh chitnate'n, A mizata lungmawl vaivu joulou.
3. Manipur seinou Kristian pawlpi lah ah, Hing makai ven aw Van Mang Immanuel; Selung vabang pil dougal sang zalai ah, Pheiphung suon la ung, tung LunMang hingpanpi ven. (Khanglai Latha Bu 230)

NEIGM Mission apan pawlpi tuamtuum a ki-etkol tung lai in Zou namsung a saptuam kemtu leh makai ding taksapna ziakin Van Laukha Singthou chial kawm in kum 1953 a kiphtukhia Jou Christian Association (JCA) nuai ah Manipur Young Christian Association (MYCA), tua Z.K.K.P. kichita apan la di'n chialin om a, huchiin Mr. T. Thongpau in MYCA ah Music Secretary in kum 15 sung apangzom hi. Huchiin kum 1963 apan Zou Veng ah a innkuante tawh teng in khosa uhi.

LA-TE' THU

A kaikhawmtu: Rev. H. Chin Thiansong

Manipur singtang mite lak a atul theilou "MYCA MACHIENG SUON VAI" chih la apuaktu T. Thongpau s/o T. Vumkthong tuh kum 1940 in Henglep bial a Lungsai (Nungsai) khua ah piang hi. Aman Kum 1946 in Lungsai khua ah siamsinna pan in "Ziltibu" abu suah hi. Kum 1947 in Tuibuang ah pem in 1948 in Kristian a kipia a, huai kum mah kumtawp lam in naupang chik himahleh tuiphum in baptisma atang hi. Kum 1955 in naupang himahleh a Lawi chinna gamlak khawng ah tonic solfa a kisin a, hihltu kuamah omlou in amah a ding khop a sinkhia hi. Hun sawttak naupang heutu inleng a pang a, Zomi Christian Church (ZCC) ah leng General Secretary dinmun a len ngei hi. Khotang hinkhua ah sinlaite makai khawng in apang hi. Kum 1957 leh 1968 kikal, a tangval suuk lai ngial in Sannem la tampi, zawl la 100 val, Gam ngaihla 7 vel leh Pathian la 10 vel ban ah Sannem la kaih Pathian la leng hunkhop a phuak hi.

T. Thongpau in Class 10 a zawhma in a pa'n sihsan a, amah laisimna ding deihna in a loute uh zuak in a Nu'n a enkol hi. Pawl 10 hon zawh changin siamsinna khawlsan in Government School ah sinsaktu in pang hi. Zou namsung ah khawtang, gam-lenam leh biakna lam ah makai ding kisapna lianpi om a thei in a vei mahmah. Zoulai (alphabet) leh laigelh (literature) lam leng a ngai poimawh a, akulmut mahmah hi. Huan kum 1965 a Jesu Christ tawh kituahna aneihnung in Pathian la 10 vel phuak hi. Huan, saptuam dinkhiak tunglai in hiai la a phuak hi.

OSWALD J SMITH' THUGELH

Elder H. Chinkhozam, Singgat

Thildang teng sang a Pathian' mizat hih ka ut ngoih-ngoih lai hun tuh kei di'n manggilh theih vual ahikei. Kentucky tang pang a Sabengtung tung a tuang a ka pai lai-te, tang kal mite kiang a sing inn neuchik sung a ka khosak lai a tuangtung a ka ki veivei lai in ka kha a thum huthut sek hi.

"Toupa hon zang in khamangthang man dingin hon bawl inla, tangthupha gen dingin hon zang sam in. Halhna tuntu in hon zang ve! Pastor vantang nang ding a bangmah hih neioute bangin hon om sak ken. Ka hinna neihsun Nang adia zat ka ut hi. Midang a di'n hon hing sak in. Toupa mangthangtte Na kiang a pilut dingin hon bawl in aw. Na nna ka sepna ah na vualzawl na in hon vuk zel in chi in kon sam zel hi. Bangchi in om leng na mizat theih ka hong hi dia? Ka hih ding aom leh hon theisak in Toupa" ka chi a, huchi in Pathian thu ka zil zelna akipan in thil poimohte tuh Toupa'n hon theisak a, hiai Toupa zat hihtheihna ding a thil poimoh ka mukhiakte hon hihl sawn ka ut hi.

Nang leng Pathian' mizat hihsam na ut ka gintak ziakin thil thupi tak khat adia hinna piak Pastor khenkhat Pastor hikawm a thildang buaipithe ka theisiam kei mahmah mai. Pathian' nasep in hin pumpi a poimoh chih ka kheta a, Paul in hiai thil khat ka hih a chih kha na thei gige hia? Paul tuh thilkhat kia tanchinhoih ngaihtuah mi ahi. Summet bawl ding khawng a ngaihtuah vet kei a, Pathian in asapna mun tak ah a kizang bei mai hi. Huaiziakin Pathian' mizat muanhuai tak ahi. Dal theitu tengteng nialna: Ka lungtang a thulimlou ka ngaih sak leh Toupa'n a ngaikhe kei ding (Sam 66:18) chih thu na theigige hia? Ka lungsim in gilou kepguk paikhiak ngam louh a neih leh bel ka thumna ngaikhe dingin Pathian a hong kum nuam kei ding. Ka lawm hiai ziak himaitheih ahi Pathian in ahon theih louh!

03	Khush Muri	X	1,000	Nepali
04	Dhup Guri	X	50,000	Karbi, Boro, Nepali, Assamese, Tiwa
05	Dharbam & Ulon	2 fmaily	11,000	Assamese, Adivasi, Boro
06	Taloni & Senabor	35 family	600	Karbi

02. Religion: 17 villages (7 Area) a tangpi reportna pan, 3,12,600 mi omte lak pan (Sonapur town sim louh); Taloni a Inkuan-35 leh Dharbam a Inkuan-2 chihlou siah Christian omlou uhi.

03. Nek leh tak zonna: Lou khou mi leh ganta vul mi ahi uh.

04. Piandan/ Mel latdan: Vaite leh Eimi kikal. Meitei tetoh ki sun jawzek.

05. Infrastructures: Police station, Hospitals, Banks, Train station leh SSB centre for -Eastern Command HQ. te baihlamtak a naih theih na mun ahi.

06. Common Language: Assamese

07. Recommendation:

- A. **Local helper/ Local contact person:** Tulai thil omdan etin, Mission nasepna hoihjaw leh paizang jaw ding ngaihsutna in, Mr. Hemanta, Taloni khua aom, Karbi nam, Christian hisa, BTh zou khat om a, aman zi khat leh ta khat nei hi. (Himahleh a pianpih sanggam 2-te leh anu leh apian Pa te Christian hilou) amah toh kitem khom thei leh lung gulh huai kasa uhi. Inn leh lou neih ahih jiakin, Kipahman Rs 5000/6000 khawng kipe leh I missionary sawlte ana makaih leh deihuai hi.
- B. A tung a itaklat pa toh ki thuah dingin Missionary khat Rs 9000/- vel loh dingin mi khat sawl theih leh deihuai ka sa uhi.
- C. Field hon ding toh kisai in january third week khawng in va ki hong thei leh ka deihthusam uh ahi.
- D. Missionary I sawlte, Kum- 2 sung prohibition leh training hun a seh sak hihenla, huai sungin culture & Traditions, Pau leh Ham a zil ban ah, hiai kum 2 sung mah in "Cross culture traning" hon sin lai leu deih huai ka sa uh.

Sunday i chi zel ua, koi a hong kipan ahia? GA ah hichi dan a i chih zel ding chih thu pass om hia? I heutu masate un gim leh tawl, gentheih, haksas, lungsim mangbat hiai tengpi ana thuk ua, ana pal touh uh, ei lawi tawldamtak a azar zoute'n hichi tel a i ngaih dau uh puaknat huai kasa mahmah hi. Kei ngaihtuah dan a zaw i saptuam dinkhiak nni uh 20th April nni bang tuh i saptuam holiday a puan a, i saptuam toh kisai kha tengteng, school, college leh a dangdangte suty a i puand ing ua hoih hingal zaw hiven! A lawm thei in lawm in, a zang thei in zang in, sepna toh kisai buaihuai aom leng leng Sunday chih min vuah ze lou in a nni mah in Pathian kiang ah kipathu gennate zang thei lehang chih huai kasa mahmah hi. Hiai nni tuh ahon vualzawl na leh makaihna thupitakte ziak a Pathian kiang a kipathu genna hun dingin zang le hoih in kilawm a, ahi ding mah leng ahizaw hi. I heutu masate gentheih, haksatna leh lungzin-mangbat nate pawk lehang maw!

Saptuam adia nni poimohte:

- 01. PCI Dinkhiak nni 20th April 1984 (Good Friday nitak)
- 02. PMF dinkhiak nni 9th Sept. 1984
- 03. PWF dinkhiak nni 16th Sept. 1984
- 04. PYF dinkhiak nni 25th Oct. 1984

zou lou pen, abng sem zou lou pen himahleung) I laisangthou ah "Nangmah na ki it bangin na vengte leng it in (Mathai 19:19) Mi'n Pathian ka it chi in a unau haw ngal leh amah tuh zuauthi ahi; a unau a muhsa bawn a it ken Pathian a muh ngei louhpi bangchi'n a it thei dia? (Johan 4:20)

Ahiehleh ei lawi Jesu nungzui, Jesu bang sem, Jesu it sem chiat hi in i ki thei uhia? Kei a gelhpa leng tel in! Jesu'n zaw kuamah ngaihloh a nei kei a, mi tengteng a it hi. Ahiehleh eilawi Jesu nungzui, Jesu bang, Jesu it semsem kichite bangchi? Den a i laisangthou taklat bang in i vengte i it uhia? I unau a i ngai uhia leh? It i hih a, ngai i hih leh bang ziaak a i inn kiang, i veng a i biakin omna pi a, gamla zaw va kikhawm sese ihia? A gamla zaw a i unau it lehngai a anai, i in kiang, i vengsung a i unau it bang ziaak a ngai lou se ihia? A gamla zaw a i kikhopna a chethei lua ihia? Ahiehleh leh tamnun hoihtak khawng va lenkha ihia? Tuat khawng khelah maw leh? Jesu nungzui, Jesu bang semsem, Jesu it semsem i ki chih leh unau ki ngaihtuah zek ding om

leh kilawm maw! A gamla zaw a i unau it a, i ngaih bangin i inkiang, i vengte it in ngai leng amauten leng hon it un hon ngai mahmah ding uhi. Huaiziakin area wise a gamgi i khen theih hun, ei pawl ahihnak leh i kiang nai penpen a kikhop hun ahong om chiang in tuh tua sang mah in i saptuam a etlawm in a nuam zaw ding chih ka lamen hi.

Lina: *Day toh kisai*

Mihingte i pian chiang in ni khat a piang i hi ua, nihvei (ni nih) ki piang lou ahi chih gense ngai lou a i theihchiatsa uh ahi hi. Huan society khat hi in organisation khat hi in bang hitaleh leng ni nih a puhkhiak (dinkhiak) chih om ngeilou hi. A kiphuhkhiak ni tuh a ngai poimoh mahmah sek uh hilou hia? Phetlou in i pianchampha (birthday) uh bang leng i ngai thupi thei mahmah uh hilou maw? A nei zou deuh ngialte bangin nek leh tak bawl in birthday cake khawng man tampipi i at sek uh hilou maw?

Ahiehleh ei lawi in i saptuam uh a dinkhiak nni bang ziaak a hichi ngaihdau tel ihia? 20th April PCI dau i chi ua, himahleh aki naihpip penpen Pathian nni PCI

Pathian zat ding kia a i hinna koih:

Pathian seh dan in tuh i hinna leh pumpi amah kia in a zat dia koih ding ahi. Belveltu in a bel leitang lak a akhauh tuam suang hiam aom in tuh belveltu'n hoihtakin bel a vel thei kei a, huai suang neng apaihkhiaak chiangin bel hoihtakin bel a vel thei pan hi. Nang leh kei tuh huchi bang i hi. Pathian in a thupina ding leh amah pahtawina dia hon zat theih na dingin a deihdan a honsiam dia a khut a siit nei lou a i kipiaklut ngai ahi.

Vualzou ding khop a thumna:

Pastor leh thuhilhtu ka theih khenkhat tuh thu agen dek chiang ua Pathian thu sim lel ahi ua, huchibang mi tuh a thugen in amah leng a khoih kei dia, athugen ngaikhetute leng a khoih kei ding. Nang leh kei tuh i khalam chidamna dingin Pathian thu a i lutthuk uh a ngai. Na galvan na theih beh kei leh na zaqt dek chiang in na buai ding. I galvan tuh pathian' thu ahi. Pathian in Nang leh kei thu a zang kei dia, a zat ding tuh Amah "Thu" mah ahizaw. Pathian in a "thu" zang nasa peuhmah tuh a zang nasa mai hi.

Khasiangthou thaunilh a nasepna:

Tulai in hiai in ngiahtuahna a la mahmah a, Khasiangthou tellou in bangkim hihtheih hi a ki-ngai uh abang hi. Aziak tuh zilsiamna, education leh training chihte i muang mahmah un ka thei hi. Huchi in education leh trainingte muang in Khasiangthou nasep ding teng i sep gaih sak sawm uhi. I Pathian nasepna tuh taksa om pilna zang a khauhtak a paipihna hileh kilawm in alang hi. A poimoh mahmah zaw Khasiangthou mun i ot ding ahi uh ahizaw. Hileh Pathian in ahon zang ding hi.

Pathian thupina kia ding a nasepna: Lawm ittak, Pathian thupina ding hilou thildang lungsim nei kawm a nasepna nei na hih in tuh a thupi kei ding. Nasepna tuh Pathian thupina ding kia in hihen. Pathian thupina ding tup pen ahiehleh leh nang hi in kei hileng i lohching thei kei ding hi. Ei mah a pilna pen hih tawp leh pahsiang vek ahiehleh siah Pathian mai ah bokkhu in sit nei lou in i kipe khe ding a, huchi'n amah hon pahtawi thei pan ding hi.

Ginna hing in a lettang Pathian' nasepna:

Gah muhna lamet kei leh tuh na mu kei ding. Na gintak mah bang in na tung ah hong tung hen aw.

Pulpit a na din a leh ginna a lemen tak in Pathian thu na gen ding. Kei tuh pulpit a kakal chiangin pathian in ka thugen apan a gah muh lametna ahon pe zel a, huaiziakin ka thugen tawp chiangin kua-te hiam in kal asuan ding uh chih ka gingta hi. Huchibang a gintakna neilou hi-

leng ka nasepna leng ka tawpsan daih ding hi.

Awle hiai te akipan in pathian aw ngaikhia inla Pathian in lah ahon zang ut ngal a, na nasepna leng vualzawl a ut ahi. Himahleh daltu aom in tuh ahih thei kei. Pathian mizat na ut leh hih ngal in!

Ka puaknat thumte, eh! Li-te

-Eld. T. Thangzakhup

Ka na puaknat leh vei mahmah khenkhat ka hon taklang ding. Saptuam awlmohna leh puakgik ka neih hiai anuai a bang ahi.

Khatna - GAWC palai toh kisai : Ka theihkhelh ahikhei leh ei Presbyterian Church in India (Reformed) saptuamte upa vaihawmna saptuam i kichi uh hi in ka thei. GAWC Uliante leh pastorte, workerte tel kei uheh ka chihna bel hilou in, Pastorte leh workerten zaw mitmei ven di, lauh din bang nei unchin a theihte uleh hoih a sakte uh bang leng tangtak a gen ngam lou thei ahi ua, upate'n bel mitmei ven di, lauh di nei lou unchin hoih a sakte uleh a theihte uh hangsan tak a genkhe ngam ahihziakin i GAWC palai dingte i sukkiam sang ua, i behlap touh zel zaw3k ding uh hi zaw lou hiam? Upa vaihawmna saptuam i hih ngal leh chih ngaihdan ka nei hi.

Nihna - Church Planting toh kisai : I heutupa uh Rev. (L) Vung D. Tombing in a gen sek ka theih dan in sappam (USA) lam a hihdan mun khat saptuam om louhna a saptuam om thei ding dinmun aom leh saptuam pichingsa saptuam khat apan member bangzah hiam saptuam om nai louhna ah saptuam vapan in biakna khawng va nei ua, huchi in saptuam Pathian in a vualzawl a, hong pichin theih uleh ahong pichin chiangun tua saptuam member bangzah hiam saptuam phut (bul pante) amau saptuam a kik zel uh ahi, mun dang a lamet di omna a om leh tua mah bang a hih zel uh ahi achi hi.

Tua mah bangin ei leng i pastor masapen uh (L) Rualzakham in New Lamka ah saptuam khat phut leng ami ding om ahi, biakin aom louh ziak a mi kikaikhawm thei lou ahi achih ziakin den a i gen saptuam (USA) lam a te hihdan chi in Gangpimual a PCI colony a tengte kiang ah ahihleh nou a bul va pan himhim un chi in amaute a bulpan dingin kisawl a, Pathian in hon vualzawl in lohching mahmah ngei ngut a, i saptuam sung a inn tam pen leh i saptuam adia kingakna pen bang hong suak theita hi. Toupa min phat in om hen!

Ahiehleh tu in Pathian vualzawlina i dongtou zel a, Gangpimual a PCI Colony a te mai hinawng lou in Lanva leh a sehvel ah Toupa'n saptuam member hon behlap zel in tu in inn tamtak bang pha theita ahihmanin amaute Mualkoi a hong kik uh ngai nawn lou in saptuam khat kintak a dinkhiak hoihzawta hi. Biakin om henla, saptuam khat din lehang midang hon behlap ding le om mai thei lai hi. Tua kia leng hilou in Presbytery khendan utoh leng ki tuak lai hi. Tua ban ah khatvevei khosung vai leh saptuam vai a leng nawngkaina om zehzueh thei gige ahihmanin hiai bang nawngkai theite omlou pah ding hi. Tua ban ah GA ah leng thupukna omsa hi in ka thei a (ka theih khelh ahih kei leh) Huaiziakin mohpuakna piak a om ten pan patkhiak kal uh kana ngaklah mahmah hi.

Thumna- Kikhopna mun toh kisai : Lamka Presbytery leh South Lamka Presbyteryte a ding bikin. I saptuam in kum thupi hoihtaktak i gen sek ua "Jesu nungzuih kum" "Jesu it sem kum" "Jesu bat sem kum" chihthe khawng leh adangdang. Hoih leh thupi ka sa thei mahmah a, ka kipahpih thei mahmah hi (a zuilou pen, a it sem

November
2017
Presbyterian Church in India (Reformed)
pci
MESSENGER



Jevandeeep Presbytery
khawmpi zat in om



If undelivered, please return to:

The Editor
PCI Messenger
P.O. Box-32, Presbyterian Church in India (Reformed)
Head office : New Lanka (H) 795128
Manipur, INDIA

BOOK POST

to:

